



## Universitätsbibliothek Paderborn

**Canonicorvm Regvlarivm Ordinis S. Avgvstini Origines ac  
Progressus, Per Italiam, Hispaniam, Galliam, Germaniam,  
Belgium, aliasque orbis Christiani prouincias**

**Le Mire, Aubert**

**Coloniae Agrippinae, 1614**

Capvt LXXVI. Raitenbvchense Monasterium, Germanicè Raitenbuch in  
Bauaria.

**urn:nbn:de:hbz:466:1-11321**

## CAPUT LXXVI.

RAITENBVCHENSE MONASTE-  
rium, Germanicè Raitenbuch in  
Bauaria.

Vndatum est hoc monasterium anno  
1185. à Guelpho quarto huius nominis,  
& primo Duce Bauariæ; cuius Pater eiusdem  
nominis Guelpho tertius monasterio in Alt-  
torf, quod nunc *VVeingarten* dicitur, in Sue-  
via, ac S. Martino omne suum patrimonium  
in perpetuum donavit; ipse quoque extremū  
diē claudens, ibidem sepultus est. filius huius  
*Guelpho* prædictus, fuit vir strenuus, armo-  
rum peritissimus, & sapientia tam forensi,  
quam ciuili prædictus, multasque tempestates  
bellorum contra se & alios in finibus suis ex-  
citatas magna serenitate & moderatione se-  
dauit. Vxorem duxit Reginam Angliæ, *Iudi-  
tham* nomine, viduam, filiam Comitis Flan-  
driæ. Hic, cùm ad senilem ætatem peruenis-  
set, & *Raitenpuech* monasterium construere  
cœpisset, satisque copiose dotasset, similiter  
& cœnobium *Altorphense* prædijs, municipijs,  
alijsque plurimis ornamentis ecclesiasticis  
ditasset, ad terram sanctam profectus, in re-  
ditu in insula Cypro obijt. hinc ossa eius ad  
monasterium Altorfense allata sunt.

Socij huius sacræ perigrinationis aut in-  
terfecti

terfecti, aut viui Saracenis sunt traditi, perfidiâ Alexij Imperatoris Græcorum: inter quos etiam *Thiemo* Archiepiscopus Salisburgensis in Corozaim martyrio affectus est.

## CAPVT LXXVII.

BOLONIENSE MONASTERIVM  
B. Mariae, in Gallia.

**B**ONONIA, vetus Galliæ Belgicæ est opidum, apud Caletes situm, haud procul ab Oceano, quod vulgò Boloniam vocant. Temporibus Caroli V. Imper. cùm Teruana Morinorum funditus esset excisa, sedes Episcopalis Morinensis, seu Teruanensis Boloniam est translata.

Iuxta hanc urbem anno 1559. fundata est Abbatia Beatæ Mariæ, quæ anno millesimo quingétesimo quadragesimoquarto, ab Henrico VIII. Angliæ est diruta. Fuit olim vna ex ijs quæ spectabant ad Congregacionem Aroasiensem: de qua vide suprà.

Apud Boloniam fuit & alia Sancti Vulmari Abbatia, Canonicorum itidem regularium, quæ ab eodem Henrico Rege est vastata.

CAPVT